



序

錢塘有隱君子曰馬虛中其資也粹其學也正其
言也文其居家篤於孝弟清勤恬雅動以古人自
飭暨出家著道士服隱約西湖之濱士大夫慕與
之交不過習清虛談淡泊無一言及勢力聲利而
世之能寒熱人者爾爾我我進退語嘿之間一言
不少屈蓋重內而簡外信已而不求人知而人之
知者誠心說服焉噫君子哉予與虛中游有年平
昔已敬其人一日虛中攜詩卷相示大抵以平夷



恬澹爲體清新圓美爲用陶衷于空合道于趣渾
然天成不止於烟雲花草魚鳥而已鄉有雪巘褚
先生者博學卓行之士也執古刀尺裁量晚後虛
中從之學盡得其微妙况汗漫萬里遠覽崧岱之
雄拔江河濟淮之奔放近挹兩峰三潭六橋之佳
麗秀整交廣視濶胸次宏豁宜其筆力不凡如此
管人謂不行萬里不可讀杜詩而夔州以後殊更
老成予於虛中之歸不但放一頭且畏之矣西湖
物物是詩料秋來日日是詩息尚當與子吟嘯于

乾坤萬象之表大德六年九日里人仇遠序

道中詩集之卷六謝六平六日里人山巖亭

序

余於虛中不獨愛其詩而止虛中早從碩師自寄
方外志趣端正待詔金馬浩然賦歸杜門擇交遠
跡聲利小軒幽寂與湖山鷗鷺精神往來詩未盡
興溢爲丹青點綴精妍詩意故在矧其出入衆體
妙句可傳每歎嵇叔夜郭景純雲孤鶴逸高致欲
仙不能脫屣人間千載詩人猶有遺恨而許遠游
名山杖屨之興陶貞白金籠水草之喻此之爲高
士逸人耳後來作詩專門大家何限及見林逋魏

野孤聯隻字便自使人意消乃知姚魏名花非不
天然富麗至深林之下露蘭霜菊政爾丘壑過之
余欲摘虛中詩顧未暇童子在傍問所摘余爲舉
達人不患貧貞女不事媚靜知春事佳老覺世味
熟古交山上松今交陌上花某丘有樹猶堪宿何
處無魚可療飢瘦梅喜浸古壘盎老態怕著新衣
裳後世視此數聯以爲何如人也廬山黃石翁序

霞外詩集序

大德辛丑嗣天師張真人如燕主行內醮玄教名
流並翼然景從王子繇馬志道在焉明年來歸志
道出往來吟卷及手画桑乾龍門二圖僕幸得一
見隨喜居頃之遂以所作霞外諸詩俾爲之序僕
旣嘆羨有加因之又念雪巘翁極父師之教至此
而玉其成且行卷所存多禮樂光華之典據後之
君子錄名山故事尚於茲有攷二者皆當表著而
復計付自車書混一南北通轅干名逐利者去來

幾何人嘗試使之迹周漢之遺跡大川喬岳之勢
狀與城郭人民之今若古或者漫不知省必待詩
人采掇歸之筆下如好音嫋色動人觀聽一何異
哉然後知先王之澤先民情性不逐有形而弊而
事事物物見之聲文氣韻萬古可一息辨也合是
爲序要非窳言抑孝友德履詩之根本也志道寧
親於家庭甘旨如意領弟於精廬意愛無斁交往
朋從久敬弗替而於僕也又以翰墨遊戲相予無
間其何說之詞爲詩若干首古今體製具在而馴

雅如其人覽者自見淮陰龔開聖予甫序于西湖
客舍時年八十一

霞外詩集目錄

卷第一

春霽書懷

五雲山寫望

山中早梅

遣興二首

竹窗

題墨竹

雪夜仇仁近屠存博數先輩過山房分韻

得朝字

偶成

詩愁

春日幽居

春雨

寄題終南山甘河鎮遇仙宮

湖中春遊曲

白鷺

為葛元白賦閑境

危坐

越中言懷

遊雷峰寺

初春即事

二禽篇

貴公子

雪

送仲澤邢講師回汴梁

奉酬容齋徐廉使

吳江夜泊

宮怨

釋宮怨

張野泉偕虛谷方使君趙春洲數先輩見

訪卽席賦詩各以酒字爲韻

簡野泉兼呈同席諸公

月下聞鶴

奉簡似山郭高士

送郭似山回張公洞

題龍舟卷

無事

瑞鶴詩上大宗師真人

龔聖予畫瘦馬行

夜坐

贈雲屋瑞上人

摘園橘寄戴祖禹

項王

弔崔雲山

述懷

送郝景文口口之京

送孫大方講師回汴梁朝元宮

山人

送姬講師回京

聞杜宇

步虛詞

看春

春日寫望

山中寒食

春霽陪葛元白遊南山

喜晴

田家

姑蘇逢鄧覺非

熱

寄越上友人

和陳無逸見寄詩韻

身世

中秋見月

秋日山家

為張仲美畫夢元遺山雪夜論詩圖

存此山寄清遊藁

秋日即事

秋懷

題日觀蒲萄卷

排悶

涼夜

卷第二

蛺蝶

前結交行

後結交行

釋愁

山平水遠圖

聞早雁

送陳子振歸姑蘇

有序

冬夜客至

歲夜自遣

德清夜泊

四聖觀寫望

挽月湖陸尊師

書黃西有游塵藁後

擾擾

春日言情兼懷同好

墨梅

寄越上張仲美

鄧牧心絕粒味道賦長句以贈

送鄒混無回邵武

黑白雲

春日閑居二首

湖邊春思

子規

遊虎丘詩

為方仲客作子晉吹笙扇兼賦詩寄意

海棠

詩

烏夜啼

送陳鍊師遊方

清明書懷

春遊

送梁中砥歸句曲山

懷古

送楊古性之淮海山長

賈藥翁

題元暉小景

遊仙詞

楊花

毗陵客思

沙丘懷古

放懷

蝶

悼似山郭高士

嘆落花

紛紛

讀五代史高士

信筆賦雜言招葛元白

初夏

山行書所見

睡起

宿石公房和韻

王昭君圖

寄友人

題高麗寺因上人房清淨觀

首夏

挽鄒混無

贈隱者

山禽

寄題碧淨軒

秋夜

聞雁

卜居

涼意

溪橋夜泊

送龔聖與之姑蘇別業謁戎使君

卧疾

梅邊會飲寄葛禧巢

野宿

寶鏡

橫山道中

傷存此山

侯門

野梅

日暮

冬日寫望

寒夜有感

除夜

卷第三

題湘靈鼓瑟

雨久江邊餞別

春雨五
數對眼

丹井
五
題

見柳詠懷

寓意二首

奉簡盛元仁教授三首

新晴
五
望

卽事

花信

春陰

題灌畦圖
把酒
董高士寄百
五
詩集

移蘭

西湖小隱
六
華山
數
士
并

蒿里行
卅
題

贈歌者二首
三
首

晴窗
三
首
二
首

高樓春望

陪葛元白仇仁近訪南竺詩僧分韻得影

寶外詩集 九

目錄

詞字云白少以武備南也二指詩今讀野集

夜歸春望

憶春三首

自詠卷二首

吳中太伯廟

栽孤松爲九華山鍾道士作

寬句

靖傳董高士寄百花詩集

月蝕三首

閑居重九

積雪寫望

鷺雛言對二首

除夕對書對二首

和王琴川見寄韻

喜陳子振至二首

挽葛秀才二首

吟雪二首

野步書事

春感書事

辨真刃首

客思次六二首

渡楊子江至二首

舟次維揚長寄韻

瓜洲渡書懷二首

邳州言懷二首

徐州寫望
并序

新州道中

魯中

東平道中

望岳
次文二首

汶上卽事

過沙河

御河阻風
賦空策圖

大德辛丑五月十六日灤都樓殿朝見謹

書賦絕句三首

開平寓舍

灤都寓興

寄舍弟四首

黑山辛丑五月十六日樂時對吳興良齋

為楊簡齋題空蒙圖

開平卽事

得家信事

灤都旅夜二首

為疇齋張府卿作樵雲圖

龍門道中

李陵臺懷古

經懷來縣

寓金臺古

得舍弟書

寓金臺畫西湖空蒙圖

金臺文廟石鼓

中秋

并序

客中長至日偶成

卷第四

大德辛丑冬內醮禮成天師真人親奉上
旨祈雪繼沐感通謹賦七言律詩稱賀

中二首

白雲歌贈友人別

久客

寄家書

易水懷古

客夜不寐偶成短句十首用渭北春天樹

江東日暮雲爲韻

渡灤河

昔聞

旅興

早春聞鶯

都下初春

書龔彥釗畫舜二妃圖後

回南二首

舟次楊村

江陵卽事

高唐晚泊

渡御河用少陵日轉東方白風來北斗昏

回為韻十首

舟人婦

汶上

清河舟中二首

歌風臺懷古

圯橋

呂梁洪

泗上

維揚寫望

途中寒食

瓜洲渡驛舍

揚子江寫望

過京口

客懷

吳中

贈顛上人

自適

奉簡張仲美

題瓜鼠圖

詩思

西湖晚息

送詩僧俊傑菴遊越

拜墓

安居

野外

和曹梅南見寄詩韻二首

送仇仁近之溧陽教授

哭巖翁龔處士二首

葛嶺言懷登士泰寄詩寄意掠贈以味

和閑居韻

寄昇元陳渭叟龔處士畫漁翁

墨竹

傷曹梅南南面春圖

算春與武王聯

寄茗溪沈玉湖

題姚安仁南陌尋春圖

忽憶

題鄧蓀壁所藏龔處士畫馬卷

雪夜

葛元白年登七袞寄詩寓意就韻以和

挽安人丘氏十一首

謾成

永嘉包氏子孝感詩一首

挽葛元白二首

春老言情贈

卷榮偶成

和友人春雨詩韻

山行有感畫小景卷

經山寺有懷故友

漁父歌

傷廢塚

浙江晚眺

閑思二首

西軒夕望

解嘲

涼夜獨吟

天師真人畫小景卷

短景

卷第五

述懷五十韻

贈王可受

奉酬泰軒蔣明府惠詩集

遊淇綠園

題栖碧園

因話金陀遺編奉呈復齋岳仙尉就敘別

懷四首

雙鶴吟寄友人

春日幽居和韻二首

鷺

飲餞交友

送鄧蓀壁回師壇

和張伯雨見寄懷友詩韻

送蔣月屋歸富春二首 并序

至節卽事十首 并序

追別詩友

贈梓山桑醫士三首

冬日閑居

題節婦崔氏傳後

鷺鷥

村中書事四首

宜興張公洞

送陳渭叟回山居新隱

春歸曲

閑意

感懷

送王可受之京 并序

訪山家不值

至大巴西春天師教主大真人俾予佑聖

觀虛白齋高士謹裁七言律詩一首辭

謝

雜詠六言五首

地幽

聞蟬

涼夜

晴湖

為松瀑黃尊師作溪山疊翠圖

九日

水軒秋眺

飛霜歌

旅夜

寄澈川楊如山

送徐芝石之饒陽稅使

春日獨坐言懷

寄題皆山樓

桃花

閑中書事

送張仲美之黃陂縣令

春日寄友人

行春

無營

送桐廬徐教諭

題彈琴畫卷

世情

雙鳳普福觀瑞芝

寫意

山中重九二首

秋日閑咏二首

蟹二首

贈鶴泉丁處士

就前韻寄翁子善

奉簡黃瀑翁求示病懷賦藁

自適

送恩斲江住平江天平寺

春雨寄興

暇日偕林芝巖數詩友清游分韻得山字
小軒晚望感懷

卷第六

嗣師總攝吳真人奉旨乘驛遠詣龍虎三
山等處崇建金籙大齋庚戌仲夏十有
四日抵杭四聖延祥觀慶成典禮復被
綸音回鄱陽進二親國公夫人之秩千
載盛事道俗交歡敬賦七言唐律二首

山言賀

送張仲實赴姑蘇教授

送陳渭叟歸山中

閑居自遣

舟中卽事

湖西分韻得西字

秋霽

歲暮偶成

送楊仲弘之京

泊然暢學士將之太平守出示竹齋安大

參見寄詩屬余和韻

祖塋春祀賦雜言

籠鶴

松鶴吟寄儒魯山

寄葛川高子長

送黃瀑翁回龍虎福地三教名流飲餞分

韻得醉字又得大字二首

臨岐敘別

挽徐澹軒

屠存博借詩友見過分韻得涼字

新涼遣興

冬夜長

和仇仁近歲暮見寄韻

挽清軒屠武翼

春意二首

春日客思

挽淵德周真人

送張子微赴鄱陽學正

越上感懷二首

錢清劉太守廟

蕭齋

春日陪數詩友酌磐隱墓分韻得走字

憶孤山

黃瀑翁遠寄佳篇就韻奉和四首

送草池謝法師之京

送善之鄧學士被旨之越書譔大禹南鎮

二廟碑記

雨窗懷感

夜吟

寄太平使君暢學士

送新城賈宰

漢景帝紀

寄黃尊師

倚樓

挽詠沂翁縣尉

春遊

呈達卿焦使君二首

送善之鄧學士之國子司業

春日幽思二首

陪吟友山行分韻得山字

和仲實張教授除夕詩韻

挽黃松潭二首

題淨慈叢五軒

詠田橫二首

送希真鄭尊師回新州洪丘山舊隱

挽俞古梅二首

贈心山

送姚江村回高安

送達卿焦使君

冬至即事二首

高樓晚望

溪月王真人被旨入覲謹賦五言六韻詩

奉餞分韻得在字

為北村湯同知題畫卷二首

不眠

歲夜

題畫醉

擬常建題破山寺

讀漢明帝紀

題鶴泉圖

和仇仁近教授見寄詩韻

卷第七

讀盛明卿藏書目

蕉池舊業

畫青山白雲圖

冬菊

喜蝶

京口逢友人

題畫卷四首

和袁德平見寄韻

爲翁子善作晴江圖

水軒夏日

題吳彩鸞書韻圖

寄籌峰林芝巖十首

秋日書情

弔石田林隱君墓

浮雲

送屠存博之徽州路教官

信筆成雜言奉簡淨慈如一溪暢文溪祭

雲谷三上人

施牧山良會見招不克赴分韻得何字

題秋山圖

送友人之東浙餘二首

冬日水軒寫望

雜詠四首

題聯句詩卷後

山居寫興

送大名高北山之京

遊葛嶺有懷

賦雪吟

冬夜懷古

和雲谷衆公見寄詩韻二首

湖山春遊莫歸偶作

題宿雲圖

題畫龍門山桑乾嶺圖

卽事

偶成

秋日有懷黃瀑翁二首

福真觀主張貞居落成傑閣喜而賦詩

嗣師吳真人同李相黑谷觀水遠寄詩篇

就韻奉和

再用前韻述懷

喜徐芝石得子

秋日竹院

九日

送浙東帥幕韓聰甫請老歸汴梁白陽舊

業因題畫卷

經石田林隱君墓

暇日偕劉悅心仇山村白湛淵諸詩老訪
西湖北山淨空主人玉公清話算歸分

韻得來字

題淵明和靖畫像二首

述懷和東洪五高士詩韻二首

為一溪如上人賦所收窰爐

題許道寧畫軸

和嗣師真人詩韻

題畫海南入貢天馬圖

送仇伯壽之淳安教諭

憶昔

和孫康侯見寄韻二首

寒食日

話舊偶成

和友人春日詩韻

題畫山水

冬日閑思

三教名流小集葛嶺招賢梵宇奉餞雙徑

三丈席晦機翁回江右舊業字奉贈雙
讀秦紀

偶集招賢梵宇奉簡明碧主人併呈演福

味湛堂講主

南真宜休齋清會竟日偶呈瀑翁主人

送友人之口口稅使

卷第八

春晚偶成

集句題山村圖

嗟餘春

舊宮姥

送范起之赴海鹽州判分韻得一字

幽居遣興

夏日聞鶯

題溪山訪友圖

贈句曲山李方外高士

和王東淇病中見寄詩韻

集句題張玉田畫水仙

挽雪房孫高士二首

為石室瑛上人題松陵圖

讀史偶作

冬意

挽瀑翁黃尊師

挽會稽喻千巖

暝色

開元宮鶴雛

贈山友

讀天台洪耕道詩集二首

和仇村翁九日招飲詩韻

贈節婦

和灤都秋日詩韻

廣微天師墨竹

延祐丁巳夏偶成七言二韻詩十首奉寄

雲門斲江長老聊述近况就敘別懷

廣微天師大真人仙遊詩

湖樓夜坐

除夜

挽瑞石許山長

山寺

村中社日即事

集句和陳渭叟見寄詩韻五首

浙江晚眺

弔月汀屠教授

送友人之東浙

田父詞二首

挽南谷杜真人

春日山行即事二首

春日偶成六言五首

題畫山水

賦得春潮送錢塘汪復心主簿

春日閑居雜興十首

古碌碌詞

春江言別口占

孟夏

偶成小軸山水寄仰山長老熙晦翁

嚴陵釣臺

賦得廬山洗墨池送陳成善記室還山

題陳所翁畫墨色卧龍二首

自營

送淨慈瑛照二上人往吳興讀藏經

夢黃瀑翁

贈筆生二首

題李安忠畫雪岸寒鴉圖

述懷

冬日村中即事

山中雲

題畫雜詩十九首

題青松白鶴圖二首

送江西熊履善茂才之金陵五首

卷第九

西湖春日壯遊即事三十首 有序

短髮

秋深村意

歲暮懷友二首

卷之四 幽居

安分四首

贈漁者

院落

暇日偶寫熙晦翁仇山村俾予陋貌髣髴

三老坐松石間傳于短縑長不盈尺就

成七言古詩一首奉寄仰山丈席

悲哉行人

蕭翼蘭亭卷

為玉岑入侍者賦定巖

送僧入定巖回青鎮密印舊業二首

寄題淳安方山長觀雲齋

寄題臞叟徐學正小蘧廬

酬知己

挽悅心劉州判二首

贈皇甫秀士

聞仰山丈席熙晦機訃音

簡王仲通明府二首

題常牧溪山水卷

除夜二首分學五小齋

雪霽安六山頭雲齋

題錢舜舉畫竹萌茄蔬圖書業二首

淨慈西隱祭晦機和尚

讀唐僧詩

題唐十八學士圖

為僧口上人賦鶴山二首

謾成四十二首

村中即事長寄中齋詩二首

挽周草庭母氏

碧山書堂

中秋夜偶成

綠陰

題虎溪三笑圖首

經故人舊居

爲吉上人賦半雲

挽松江姚守二首

爲會上人賦百川

午節交酬

拜楫善堂

和友人韻

和湛淵白州判見寄弔鶴詩二首

河橋別友二首

賦童梅巖隱居圖山二首

和落紅詩韻

題周法師月溪圖

和春晚詩韻

卷第十

題玄覽真人溪月圖

送自誠真上人回秋溪普門舊業二首

和王仲道明府隱居詩韻二首

次筠軒詩韻

再題白湛淵買宅圖後

寄平江開元丈席恩斷江

敬讚純陽真人畫像

畫意二十三首

祖塋冬祀土人回於冥音門書業二首

偶成

卷之六為嗇齋呂高士寄題大瀛海道院

挽饒國吳公二首

和越僧吉半雲見寄詩韻

題草蟲畫卷

題赤壁夜遊圖

挽月泉吳提點二首

深靜亭

和秋日山行詩韻四首

春日口占

玄教大宗師張真人挽詩

贈別友人

讀石田詩有感三首

為義齋方山長賦青山白雲圖

送僧山雲上人知香山白雲圖

和山村見寄詩韻七首

夜坐

為僧賦月巖二首

追和南谷杜真人山居四時詩寄昇元主

席桂菴姚提點四首

再和四首

和陳仲庸春晴詩韻

寄題桐江鳳山寺鷺雪軒

和蜀僧明上人詠雪詩韻二首

集句遣懷三首

送蕭存遠主簿之京

和山行詩韻二首

寄湖山張太監

村行遣興

題山陰回棹赤壁夜遊圖二首

觀周景遠御史題讚雲叔羅教授喜容三

首

送本初朱提點之玉隆主席五首

送姑蘇權中上人回江陰禪香寺二首

和黃瀑翁寄弔龔巖翁畫馬詩

續補入
有序

送陳涓叟之涇縣崇玄觀主席

山行口占

和張仲舉書齋詩韻

偶成

歲晚喜友人至

歲暮雪霽書懷

山居卽事

龍虎山彭法師禱雨感應六首

挽趙天錫都事

挽鄉友徐和甫教諭

湖上春日遣興六言

震外詩集目錄終

震外詩集卷第一

春霽書懷

虛中馬臻志道

紛雨洗游塵潤物亦已足
 淑氣浮芳鮮山澤一時
 綠回鴈遠零亂流雲高
 斷續伊余愜所向偶景相
 穆穆好鳥如含情不語立
 嘉木靜知春事佳老覺
 世味熟遂展平生情誰復辨
 蕉鹿
 五雲山寫望
 少乏超絕姿瘦鶴存野格
 乾坤心自放頗覺塵土

窄安得千金橐使我窮地脉征途多荆榛此志寧
復得今晨躋山顛納納瞰廣陌正東臨大江髣髴
海外國孤帆揚長風靜入秋氣白層巒引列嶂下
有雲霧隔不知誰家樓突兀立遠色禹穴指顧外
歷歷禾黍黑簸蕩千古愁人世一過客高歌據苔
石坐見日車仄目極窮冥搜一鴈沒空碧

山中早梅

孤根徹后土破冷爭春回惜哉冰雪姿落此荆榛
隈若生白玉堂不負黃金罍一見一惆悵再歌再

徘徊未央宮中花直待羯鼓催

遣興二首

長日閉門坐軒車誰與親鶯花欺白首鮭菜足青
春今古斯文在江湖舊業貧丹心不可道風雨夜
來頻

老木蒼蒼合幽禽瑣瑣喧坐長樓轉影靜極客忘
言雲物何時定亭臺幾處存虛懷推至理隨意且
芳樽

竹窗

竹窗西日晚來明
桂子香中鶴夢清
侍立小童閒
不動蕭蕭石鼎煮茶聲

言題墨竹
文亭臺
拂雲標格歲寒心
墨色分陰重又輕
不似渭川千畝綠
只和風雨作秋聲

雪夜仇仁近屠存博數先輩過山房分韻得

朝字

溼雲結空寒氣
驕雲根古觀埋山
腰山人宴坐觀
物化竹風松雪聲
飄蕭二三才子相
招邀聯軒過

我歡清宵小閣閉
暖蠟光搖案頭置
酒羅桂椒劇
談若與元氣合
銅匱火冷青煙消
城樓殘更敲短
夢鼾眠縱客嘲
邊韶我無詩才學
李杜又無仙術
追松喬人生此會
能有幾今朝未必
知來朝請君
得意歌且飲江上
春風吹柳條

偶成

苦嫌上界多官府
不道人間足是非
四十年來悲
喜夢倚闌閒看
柳花飛

詩愁

城中親舊渾零落湖上園林幾變更只有詩愁消
不盡旋隨芳草眼前生

春日幽居

淺淺春風尚帶寒日斜香篆半燒殘杏花一樹開
如錦怕觸啼鶯不倚闌

春雨

良會時不偶徒爲物所嬰驚雷啟群動有鳥遷喬
鳴徙倚流遠日瀾瀾川去平風色誤花信春光消
雨聲念此睽心賞取榼聊自傾幾微存倚伏茲理

何冥冥孰能繼高唱欲罷難忘情

寄題終南山甘河鎮遇仙宮

七真遇呂
公傳道處

秋空劍別洞庭波道本忘言又若何人事百年迷
苦海仙源一脉會甘河金蓮旣秀真無待玄理雖
深語不多惆悵終南笙鶴遠五雲宮闕自嵯峨

湖中春遊曲

堂堂復堂堂畫鷁誰家郎綉旌鴛頸冷膳府鸞刀
光傾椒注桂邀流芳楚腰絡索聞懸璫篋篋急響
如相惱岸頭折盡忘憂草黃金慣積自媒身隨肩

滿席惟嗔老牙籤萬軸齒不拈孟客何賓跡如掃
柳綿撲撲乘風吹花翎小鳥啼訴誰玉郎沉醉晚
未醒春光去矣猶不知

白鷺

吟肩高聳受風吹西塞山邊細雨時不染丹青愁
鶴妬自矜清白見鷗欺某丘有樹猶堪宿何處無
魚可療飢振振飛來應得意也曾物色到周詩

爲葛元白賦閑境

大觀均喧寂結廬在人境所以葛天民妙處心自

領靜者非有期物役敢馳騁有時絃歌聲清絕百
慮屏坐久白日動歷亂竹木影翻笑龐德公深向
鹿門隱山林野客如龜藏造次數上君子堂先生
高臥北窗下曲肱一覺回羲皇門前參錯自車馬
黃塵烏帽春茫茫春茫茫日欲老中有青天白雲
落花芳草夢回不記邯鄲道

危坐

危坐不覺久月照一庭綠三更白露下夜氣溼野
服恬淡失悲喜視聽非耳目閒將黃庭經更趁月

下讀

越中言懷

分甘茅屋老蒼苔不是明時棄不才
避社燕歸楊柳合趁虛人散鷺鷥
來半江落日明漁浦兩岸回潮掠
釣臺吳越爭雄俱一夢年年杜若
滿汀開

游雷峰寺

雷峰壯南屏埤堵林外出老僧舊
識面邀我一登陟高回星漢流靜
壓山水碧晝有白雲飛夜有明月
入諸佛似安禪脉脉度朝夕野人
怯高險欲上

股先慄不如履平地彼此無得失

初春卽事

東風又到武林城靜裏看春各有情
怕說利名多晝睡愛尋山水每閒行
傍人冷笑營巢燕求友翻憐出谷鶯
世事不窮時易失翠微深處夕陽明

辛未二禽篇

杜鵑杜鵑聞爾曾爲蜀天子一自城
荒爾身死當年御極日萬幾何苦今
朝自如此恭聞太上垂玄言治大國
今烹小鮮流情縱逸不追悔無端却
恨

春山煙毛衣縵縷滿身黑萬里岷峨歸不得六合
茫茫啼一聲春風爲爾無顏色

鷓鴣鷓鴣不知春色何負汝每到春來聲更苦百
年不得此身安尚憶當時在行旅爾不學大鵬一
舉培風兩翼如雲垂又不學籬邊斥鷃翱翔飛躍
蓬蒿枝黃陵廟前幾春草空遺怨恨傳新詩江南
二月煙花亂子子孫孫自呼喚說盡人間行路難
淒風苦雨心腸斷

貴公子

麝沉灰暖瑞煙輕十二闌干轉画屏翠袖閒調鸚
鵡語牙牌分勝牡丹名半垂簾幙因春冷未放笙
歌爲宿醒颺颺流蘇風不定隔墻時送賣花聲

雪

冷逼街頭酒價高晚來風急更蕭騷青樓醉舞不
歸去江上一蓑憐汝曹

送仲澤邢講師回汴梁

寒日照吳山北風吹汴水山水一望間客路二千
里是時玄冬月飛光促短晷之子忽言邁孤舟送

行李仰睇極空煙嘶鴻入幽耳人生難滿百會合
良有幾四海非無交利害射如矢鸞鳳慕竹實雞
蟲競糠粃悲哉道不同反爲世所恥所以送君行
感慨莫能已中條萬古青且暮白雲起何時來卜
鄰結茅白雲裏

奉酬容齋徐廉使

魯國真儒惟一人魯國多士徒紛紜紫微列宿光
熒熒竭來蘇彼南州民夫子之才難比數復使清
時見伊呂一夜霜風動列城黯胥縮膽如飢鼠棠

陰欲轉公事餘高堂晝永娛琴書千村萬落雞犬
靜山民野婦安樵漁昨朝來過幽人屋疊疊玄談
唾珠玉他日重期掃石床爲啜山茶薦秋菊

吳江夜泊

不見天隨子令人逸興孤村砧聲自荅岸□□相
呼河漢回西極星辰入太湖古情吟不盡明月照
姑蘇

宮怨

多愁多怨怕春天花外時聞警蹕傳金縷綉衣渾

不稱餘香猶帶御爐煙

釋宮怨

萬頃恩波一寸心
玉堦青草斷車聲
文章近日無人愛
休把黃金乞長卿

張野泉偕虛谷方使君趙春洲數先輩見訪

卽席賦詩各以酒字爲韻

幽居扃青春水軒
僅如斗敲門問誰來
過我得良友浮雲無
停陰霽色破古柳
人生不自適歲月欺
老醜欲挽湖水春
添我盃中酒酒盡意
不盡落日

照魚筍掀髯出門去
悲歡一何有

簡野泉兼呈同席諸公

黃河一清一千年
天下何代無才賢
蘭亭會散日已遠
茂林修竹閒風煙
西湖山水古奇絕
佳句已屬峨眉仙
我住湖邊六七載
此跡雖滯心玄玄靜
觀群動趨變化
敢與物態分媿妍
不知門外春已晚
游絲暖絮晴相牽
每思古人去不返
肝膽偏仄愁如懸
誰言我輩異古昔
賴有故人張野泉
攜詩載酒忽扣戶
須臾品饌羅其前
座中群彥皆詩伯

後靡齊梁不足律坐驅澆薄回大雅氣豪頗覺天
地窄君家城東我城西一見忽憶數年隔吁嗟歲
月不待人况復此會難再得狂歌浪飲春亦驚剩
水殘山晚蕭瑟酒闌客去竹木靜坐久稍已收衆
色向來喧寂何所之遽遽夢破東方白

子夜月下聞鶴

山對澄湖樓對山愛山終日倚樓看洞天何處鶴
啼晚月下一聲風露寒

奉簡似山郭高士

仙翁仙島住應運下人寰讀易天心合論詩春息
閒鍾聲太一殿草色武林山應有推敲者月明來
扣關

送郭似山回張公洞

春風吹沙春草長雜花媚煙飛野香幽華裊裊
雨色人間光景勞中腸赤城老仙呼鶴起迢迢直
度太湖水玉洞碧桃凝古芳玄扃窈窕羅疏綺吟
詩贈別情相關霧節風幢幾日還歸來無語生幽
寂啼鳩一聲春晝閒

題龍舟卷

樓船耀日青天轉容與中流棹歌遠漢武仙遊竟
不還汾陰幾度秋風晚至今流水愁無聲空令画
筆勞經營人間萬事等一笑雲淡天長千古情
無事每日不出戶滿院松竹森交加晝眠厭聽啄
木鳥早涼喜見牽牛花一真自可了生死萬事不
必論等差誰能屑屑管迎送客來且試山中茶

瑞鶴詩上太宗師真人

皇皇古道尊三五雲從龍今風從虎至尊垂拱四
海寧詔令昭事玄元祖維時羽服昕趨朝環珮參
差肅儀矩大哉聖德合天心霓旌晝下胎仙舞初
疑瑞雪飄晴空漸似雲衣來玉宇瑤壇春靜立多
時碧落風清更延竚奇祥所致森有神閭闔門開
又高舉是日天顏喜色動蕩蕩昉陪儼干羽乃知
無爲無不爲真化風行邁前古真人有道通杳冥
力扶至教垂常名野人獻詩欣再拜山林自此陶
休明上延景祚康黎民萬歲千秋歌太平

龔聖子画瘦馬行

在昔開元曹將軍健筆突兀老入神能貌明皇玉
驄馬博得聲價輕千鈞後來韓幹只画肉少陵不
許肥失真寥寥此道幾懸絕至理不付尋常人淮
陰龔公老儒者落筆文辭馳二雅有時快意掃骨
馬妙處不在曹公下画時想極虛無垠息入萬里
沙場昏凝精洞視色不變杳冥之中百體存相經
合備渥洼種仰首鳴天鼻欲動氣豪似與神龍爭
疾雷迅電驚塵夢憶昨嫖姚騎戰時旋雲轉霧飛

四蹄翻然踏碎關山雪歸來汗血光淋漓霜枯萬
骨功誰利太平總爲將軍致如今衰瘦箭瘢乾生
駒却受黃金轡此馬此画絕世無先生慷慨傳此
圖可憐韋諷日已遠獨撫此画深嗟吁北風動地
天色慘展開猛士寒搖膽詠罷新詩無限情卷向
空齋白日晚

夜坐

空山高寒雲不凝綿綿夜坐神宇清泥丸朝退月
露滴但聽下方雞犬聲

贈雲屋瑞上人

曾擊鳴鞘羽衛前
毳袍錫杖且隨緣
田園賣盡息行脚
師友參多學坐禪
閒說升平猶淚下
因傷老大自心憐
回頭好趁歸時路
不見人牛月正圓

摘園橘寄戴祖禹

幽園逼湖水闢地種嘉橘
時雨旣霑濡培養藉春力
憶昨開小花清陰正繁密
疎簾白日靜香氣散書帙
邇來八九月喜見纍纍實
因思造化功具此霜露質
張華吟未工慧老画不出
大者發至精錯

落金相射小者疑元氣低垂綴寒碧
山鬼亦見避老鳥不敢喫
昨朝喚山童提筐事採拾
落刃綠霧飛入手流脂溼我恐殄天物
精爽颯如失遙憐洞庭山萬樹
風雨夕焉能飽一看路遠不可卽
須臾遶行廊吟詠意方釋
童僕不好事笑我太迂僻
爲君薦樽罍聊復慰相憶

項王

叱咤猶傳數里驚
陰陵失道已沾巾
江東父老羞相見
忍可捐軀遺故人

弔崔雲山

埃風蕩天荒孤山臥秋草君家孤山下不厭孤山
好昔我山中房識君師侍傍白髮映蕉水妙語回
羲皇聞君又絕粒默默宴華室道畢合神風回車
朝帝一制魔誠所難有身良可嘆層陰翳太景平
陸翻狂瀾憶君出門去相看淚如雨始欣天道還
逸駕倏飄舉有詩君莫吟有酒君莫斟神交動恍
惚尚想聞空音我歌山日落松聲起寥廓魂兮其
有知爲我來冥漠幽室苦夜長思君念春陽春陽

難復見短歌不成章

述懷

家無負郭田何以懷歸耕豈不有他好復恐勞其
生窮居四十年富貴浮雲輕乳鳥喧高枝壯心忽
然驚所憂聞道晚德業將無成言此向知己欲語
已忘情

送郝景文

之京

江上草已碧送君傷別心聽雞臨曉色策馬度春
陰驛路燕山遠風花漢水深道人無外事林下問

除音

送孫大方講師回汴梁朝元宮
遊遍江南山水地仙翁
歸興動旌旄青溪人去鶴
聲怨碧落風清劍氣高
驛路野花心獨遠江鄉夜
月夢應勞到家想得春風
晚開盡玄都觀裏桃
山人
山人行止在山林
生怕侯門說姓名
蟲臂鼠肝分得失
奴顏婢膝事逢迎
一聲啼鳥湖煙暝
滿地落花春雨晴
自煮新茶試新火
坐看斜日轉窗明

送姬講師回京

冷雨逼古春春華溼
蒼翠生意老不化
節物爲憔悴悠悠山川長
念子之何地臨岐各慘淡
草草叙別意達人
不患貧貞女不事媚
至道貴冲漠澹然有深致
後會殊未期願君勉斯志

聞杜宇

飄泊身同泛梗萍
年年因爾更關情
半啼半哭深含恨
飛去飛來不住聲
日落遠憐行客過
風微閒見落花驚
故家喬木彫零盡
一夜月明芳草生

步虛詞

逸轡太景阿蕭蕭導玄鈞虛節合萬奏高會冥五
神陰陽鼓靈風一炁無不均淡然眇至寂大道無
疎親適路非有待上仙齊飛輪哀哉貴終道塵波
淪肉人丘垤祕濁骨大夜難希晨靈明喪愆穢纒
縷來去因何不散爾想復此空中真虛舟縱風柁
放浪無涯津期劫倏忽周真空浩無垠卓然吾獨
存會當晒靈椿

看春

西湖二月春風豪蒲芽一日三十高憑軒不語笑
桃李施朱點白真徒勞

春日寫望

遠山重疊限空明淡拂生綃絕點塵半舸夕陽暄
酒客一樓寒色倚詩人早鶯懷舊隨時至芳草無
情著處新却憶城中有貧者杏花開盡不知春

山中寒食

青陽轉節候雜芳麗原隰山中寒食近啼鳩亦已
急新塚有人祭古墓無人泣傷心名利骨瑟瑟土

花溼石馬悲無聲空對東風立

春霽陪葛元白游南山

積雨淹幽事初晴得此晨問舟尋上客放步約同人偶入招提境如酬宿昔因禪心本無住吾道豈憂貧城郭千年鶴林丘一聚塵歡娛時不偶激越意空陳路改疑前夢雲孤憶老親彈琴僧舍晚覓句酒家春閒水文輕縠平蕪展細茵目驚流節駛心醉古風淳久識窮非鬼難言筆有神感深將下涕喜極欲忘身蹭蹬繁花老陰沉亂葉新野夫元懶放杜宇足酸辛更欲東蒙隱難期北郭隣有懷聊自適愧爾葛天民

喜晴

久雨山水暗荒雞鳴膠膠貧居匪琴書何以勝寂寥今晨戶牖白天宇回光昭日華引生意衆卉綠寒條浮陰滅餘迹遠遠帶六橋峰聲遶樹轉水影和春搖豈不展好懷潤我顏色凋床頭濁醪熟清士亦可招俯仰已陳迹疇能計明朝

田家

地偏生事僻轉覺入城遙犬吠三义路人行獨木
橋炊煙時滅沒村酒自招邀昨日蠶新浴桑桑綠
滿條詩豈不異我對蘇逢鄧覺非蘇帶六蘇華春夏忽已交
放舟別吾廬計日念行邁薄言寓姑蘇出門無所從
桑麻藹丘墟與君敦夙好邂逅臨長衢指我屋頭柳
高陰正扶蘇一室無長物清心有琴書洗觴酌醇耐
呼童摘畦蔬乃知天壤間靜者樂有餘名者實之賓
此語真不虛

熱

盛夏勢莫當昊天日亭午亢陽流赤光崇岡裂焦
土夸父不知疲暍死自罹苦何不挽滄溟大需天
下雨

寄越上友人

分袂沙邊兩歲餘生涯別後竟何如雲迷禹穴無
來信秋隔吳山有故居思斷碧天江漠漠吟低白
日雨疎疎郊墟昨夜新涼入珍重佳兒好讀書
和陳無逸見寄詩韻

感君高誼曾傾蓋豈意今朝辱贈詩
健筆驚人秋浩蕩流年傷我老
差池論文每恨識不早題橋徒
能寄所息便欲相期賦招隱許
疎難辦買山資

身世

身世悠悠閒門寂似秋時清孤
劍化齒落萬緣休欹枕日下樹
捲簾雲入樓近來添薜荔生
滿屋山頭

中秋見月

去年中秋月團團上林藪
文士兩三人竟夕坐相

守精光浮白空誰見蝦蟇醜
觴酌雜歌吟待得下高柳
今年中秋月輝輝入窗牖
照我如有期怪我樽無酒
月是去年月不復去年友
人生如風花聚散良不偶
賢愚與貴賤肉骨同一朽
我今見明月再拜復稽首
側聞古老言此言豈虛有
正秋三五滿萬里絕纖垢
玉兔搗神藥服之壽長久
我無周生術安得月在手
天梯邈難攀中局欲成疾
萬方浩漫漫月輪又西走

秋日山家

落葉不肯住階前知幾重飢禽窺綻栗危石俯喬
松日午客初到路迷雲更封何時了塵事卜築肯
相容
為張仲美畫夢元遺山雪夜論詩圖
虐焰焦玄根古道日淪墜安知大化中元氣塞天
地遺山與仲美先後本一揆上士以神契冥冥感
靈會長淮夜風雪清夢短檠對玄趣非名言豈索
形骸外煌煌三百篇光焰高百世曰予託人境塵
土觸肝肺苦吟愧蠅鳴况復事紛繪諸公足題品

靡靡發真祕持此寄遠心江漢已秋意中有號風
蟬哀哀響寒翠

存此山寄清游藁

秋風杖錫別多年細讀新詩盡極玄却憶姑蘇雲
外寺月明誰伴夜深禪

秋日卽事

芙蓉涼淺未全紅稚子攔街闖草蟲節物變遷風
景在故園心事不言中

秋懷

大火徂秋節炎炎幾何時今日昧明日敢作百歲
期涼風昨夜來西山白雲起舟人吹鷓鴣愁蕩一
湖水嗟余寡所見就失玄髮歡獨坐待明月恨入
青雲端自古賢達人誰獨免其死靜言求此理如
此復如此呼童買美酒趁月傾樽罍雖然不解飲
聊復暢此懷

題日觀蒲萄卷

老衲搏空無混沌爲之闢拔得天地根不假雨露
力寒藤挂鬼眼纍纍冷光碧驪龍亦驚猜夜半風

寔急

排悶

諳盡時情薄似煙更憑誰覓買山錢催涼雨久添
秋恨待客茶頻廢夜眠身退每蒙先達許詩成多
得外人傳榮枯已悟須臾事一住湖邊又十年

涼夜

遺編掩罷又重披老去悠悠記性遲正是月沉燈
半滅一園涼雨草蟲悲

蛺蝶

栩栩復翩翩迎風勢不前草根時點染花處自畱
連怕冷多尋日爭高欲上天誰家駉兒女相逐過
橋邊

霞外詩集卷第一

霞外詩集卷第二

前結交行

古交山上松青青色不改縱有霜雪侵節操固常
在今交陌上花容貌相矜誇一朝風雨至飄泊隨
泥沙陳雷管鮑世不有一貧一富難長久對面相
看仰泰山下視群峰皆培塿嗟來乎嗟來乎床頭
黃金不可無君看金盡失顏色壯士灰心不丈夫
後結交行
古交皆結心其義能斷金今交皆結金倏忽能變

心取舍既殊軌反掌生陸沉正平一朝忤黃祖有
若將身投猛虎子桑莫逆忘其生乃能相與無相
與古人今人皆足悲百年憂樂須臾期男兒節義
死不變誰肯心懷未濟時嗚呼誰肯心懷未濟時
去者不可追未來難強名二氣運昏曉萬物遂生
成泰山若爲重鴻毛若爲輕苟不任天命百慮徒
營營杞人一何愚無事憂天傾

山平水遠圖

乾坤浩浩目力短山水怙怙空光連人家半在溪
影裏萬里春風來客船

聞早鴈

初鴻有餘音老眼無遠光登樓望不極但見天青
蒼朝飛秋日短算宿秋水長不知從此去早晚到
衡陽衡陽有故人書札不可將木末避矰繳雲邊
足鷹揚中途多苦辛羽翮能無傷望爾三春歸依
舊經吳鄉

送陳子振歸姑蘇

有序

予與子振識面屢閱歲矣一聚一散不復
情親偶辱見寄壯游諸詩觀其辭追躅風
雅遠邁前人不覺快然會心夫何鴈蕩片
雲恨論文之不早繇是酬酢唱和無日而
虛未幾又復言還嗟流景之易遷况良遇
之不偶臨岐把袂故作詩以餞之
平生每多湖海交論心屈指不可數男兒勲業無
所成忽忽身年四十五日日欠詩如欠債冥搜豈
憚物役苦晚歲始得鮑叔親一語當機合前古怡

然示我壯遊篇長歌短歌遍杜甫凝神注意一展
誦山鬼水怪亦起舞夜風索索湖水驚螿龍銜珠
不敢吐羨君傑立懷長才富貴終當拾芥取胡爲
掉頭不肯住束書又向何方去君往姑蘇我在杭
後會焉能定相許季秋鴻鴈盡南征江漢茫茫足
風雨君若他時過環堵爲君門前掃落花呼童厨
中具雞黍君今別去相憶不

冬夜客至

故人終歲別寒夜此畱連雪暗天窗月風回地竈

煙鴈羣侵夜發漏點隔城傳話舊成愁絕相看復
算年

歲夜自遣

坐見年殘竹爆中更將盃酒祝東風道人心事如
灰久辜負燈花一穗紅

德清夜泊

遠色變昏晦卸帆依淺沙浪搜盤岸木風逆赴巢
鴉細草官塘直長煙野日斜寒機聞夜織燈火是
誰家

四聖觀寫望

西林橋畔画船開一片簫韶水上來多少綠楊遮
不住天風吹過小蓬萊

挽月湖陸尊師

浮雲無定迹倏忽變其常四序相馳逐安得人久
長先生負盛才早歲道彌昌我翁亦年壯瓢笠行
相將煙霞結幽志矻矻窮老莊先生彈素琴一詠
復一觴山川半杖屨逸氣橫天章醉袖拂萬象談
笑輕侯王息肩城邑改兩鬢各已蒼我翁徵不起

抱獨如龜藏先生善兼人持危振玄綱復來主玄
都香火皈遐方功成身自退出處誠所當去歲冬
風來木落千林霜我翁在白石鵬化思騰翔慟哭
挽靈輓歸瘞湖山陽先生來會葬洒淚陟崇岡言
別幾何時載見秋草黃遺書忽墮前顧盼憂且惶
死生猶夜旦此理不足傷所悲失父執澆風散靈
芒哀多情不盡歷歷寫我腸我來弔詩魂再拜陳
酒漿落日大江暮孤舟度微茫愁猿向我啼驚浪
爲我揚息君望八極想像仙人房鶴唳九臯清一

笑人間忙

書黃西有游塵藁後

茫茫大塊噫清氣調調刁刁聲各異詩老得之肝
膽雄吐出毫芒照天地書齋畫對百慮空忽如沉
瀆澆心胸簷頭癡燕並兩足細語不敢驚春風鳴
呼涪翁去世久一脉流芳到西有石床待月讀到
明空山無人魑魅走

擾擾

擾擾行塵應接勞絲來斥鴳樂蓬蒿胸中丘壑開

圖畫霞外光陰託酒醪未必漢廷疎四皓至今吳
地事三高功成便合謀身退緱嶺春風正碧桃
春日言情兼懷同好

漢陰抱甕久忘機一事無成只布衣萬水千山人
獨去三春二月燕雙歸衰顏暗改青銅鏡舊業依
前白板扉莫對落花思往事故交消息近來稀

墨梅

疎葩結冷光素質疑古色濡毫誰氏子巧奪真宰
力展卷如有訴老兔向天泣髣髴月沈時影落參

旗直夜久書燈青鴻飛楚天黑寒香忽破鼻幽意
不可得悠悠感物理對此成太息我欲將贈遠真
幻兩莫識長嘯臨春風春風浩無極

寄越上張仲美

十載萍蓬悵別離偶然一見又差池簿書官事何
時了杖履春風幾日隨俸薄不堪供鶴料才高長
是贈人詩鏡湖波暖多回鴈好寄書來亦未遲

鄧牧心絕粒味道賦長句以贈

穀者命之本此語足深致四體不服勤何以望卒

歲昏昏塵土喧疲役身口累食也苟失時飢火熱
五內鄧君儒者仙久牧方寸地一朝遇至人玄言
啓幽祕若非種杏翁定是赤松輩教以絕火粒咀
嚼太和氣外美邪魔腥八珍豈足貴虛無空中素
俗物盡疣贅過我索詩章已覺神彩異丹髓碧華
滋道大淡無味富家食方丈日計萬錢費庖丁技
雖窮鸞刀厭瑣碎安知遺世士回斡太古意萬象
一秋毫忘形日月外翻嗟鄭子真谷口躬耜耒會
當謝塵氛飄舉賓軒帝

送鄒混無回邵武

萬里晴空一劍飛浙山尋勝阻幽期
歸舟醉叱神龍護行篋笑看仙鶴隨
椰子酒濃欺瘴霧木綿花發待春詩
隣家故老遙相接應問西湖話別時

黑白雲

落落出岫雲黑白分媿妍黑雲或成雨
白雲空蔽天俗眼不見察俗意誰相憐
美言傾人心中有千丈泉

春日閑居二首

滿院春陰半掩扉杏花猶怕曉寒欺
蘚痕帶露侵
碁石山影分雲落硯池貧久家僮生去意社遲梁
燕阻歸期詩成一餉無人說芳草連天寄與誰
數峰青處敞蕭齋自斫楊枝傍水栽問字無人攜
酒去消閒有客抱琴來遙汀風急鷺雙起古岸日
斜花亂開袞袞光陰堪一笑城頭画角爲誰哀

湖邊春思

西林花雨霽春氣欲飛浮船過吹簫客旗標賣酒
樓暖煙鶯自在遲日蝶風流正是桑麻處支筇認

舊游

子規

月冷聲聲在翠微千華萬草失光輝
休言催得韶華去涪萬東川春也歸

游虎丘寺

野岸維行舟步此金沙地孤墪出雲杪衆木攢古
意蹲虎今何之裂石浮劒氣俯仰成古今人生樂
爲貴所以高歌飲聊復慰身世

爲方仲客作子晉吹笙扇兼賦詩寄意

昔君別桑梓彼此多年芳音書兩莫致路遠徒相
望暖風吹帆三百里闔閭城裏花如綺停車來扣
故人家恍然一見心驚喜問余別後今何之摩挲
髭鬚已如此論文把酒還相親幽尋幾處隨芳塵
荒林雜卉畱餘春愁姿野氣空惱人劔池舊事惟
明月大笑高歌醉中別歸來一臥吳山雲忽地西
風下庭葉思君如江水迢迢不可忘我有尺素書
魚鴈不得將却憶仙人王子晉月下吹笙向緱嶺
仙人去世遠鶴亦竟不來爲君寫入白團扇玉冠

絳裳仙風道骨洒落何奇哉恍惚聽希聲於至寂
一曲人間殊可哀獨坐長松下上有凌霄開此心
隨此画遠寄姑蘇臺

海棠

殷紅含露臥朝寒疑是春工畫未乾底事詩人吟
不穩直須燒燭夜深看

詩

六義關風教吟須字字安苦心雕琢易出口渾成
難道合天心動篇終鬼膽寒極玄言不得休作等

烏夜啼朝啼東方白夜啼林影黑關河萬里天兩
霜月冷夜長眠不得烏夜啼憐爾巢中黃口時哺
腥吞腐羽毛長母子日日長追隨一旦離羣自成
偶相呼相喚期相守故雄零落不復知畱得孤雌
住衰柳柳條蕭颯難棲身夢驚三月楊花春載飛
載止情莫伸欲去不去愁殺人不知挾彈誰家子
暴物傷生苦如此哀音散入江湖間老屋破窗燈

欲死烏夜啼君豈知

送陳鍊師遊方

文章金玉有定價未測碧海青珊瑚浣花老翁久
冥漠種桃道士誰招呼高風健鶻固有待舊水窮
魚非自圖千里之行始足下道也不可離須臾

清明書懷

疎懶無堪見物情自裁詩句了清明閒庭芳草年
年綠不爲東風管送迎

春遊

園草浮青入杖藜莫教孤負好花時人生屈指頭
如雪消得春風幾首詩

送梁中砥歸句曲山

家住華陽第幾峰又將琴劍去匆匆地浮雲氣連
山白露浴丹光入夜紅千里音塵隨斷鴈百年聚
散類飛蓬吳頭楚尾關春恨盡在鶯聲柳色中

懷古

媧皇補天闕后土遂咸寧化化者不化是爲元化
精先王官天下其政以結繩戰國事爭討四海森

甲兵仲尼旣去魯老聃西出秦後世滋華僞機巧
易其誠愚智互吞吐得失紛相仍邇來百千年一
一垂空名白骨填恨土大風吹不平我生宇宙間
短羽飛秋螢進寸而退尺聖人戒其盈披衣起中
夕念此傷心情素月行廣漢明星流太清但覺晝
夜轉不知人世更默坐觀天運萬壑回秋聲

送楊古性之淮海山長

嘉陵山水佳人物亦超邁楊君早讀書功名等拾
芥仙山暮散桑海遷忽然邂逅西湖邊天網宏大

四海一聖君宵旰憂黎元君今又師儒之官向京
口京口足衣冠彬彬魯中叟輕裝三尺桐孤舟一
樽酒相送各無言蟬聲在高柳知君此去佳政多
羣才詩禮相研磨西風昨夜發廣野北固江頭吹
白波吹白波爲君吟別奈秋何
賦不賣藥翁
山人本在山中住偶向城中賣藥去不道石潭龍
出雲失却朝來下山處
甲其題元暉小景
幾點歸鴉入暮煙漁蓑和雨釣江天誰憐一片淋
漓墨曾在米家書畫船

游仙詞

上清真人玉華仙夜策鸞輅凌珠煙罡風廣漠露
華冷搖蕩金鈴聞半天路逢仙姥騎白鹿侍女雙
雙散香玉遙看三島點神波恨入秋眉鏡中綠我
自無爲神自凝萬竅不動心冥冥靈君期我謁太
帝下視濁海魚龍腥玉虛煒燁明玄景羽葆搖搖
入空影一曲雲和奏未終月輪已到崑崙頂

入空楊花曲雲絲
品題曾入百花名
長恨濛濛画不成
灞岸雨餘粘穗溼
章臺風暖撲人輕
緩隨流水知無力
閒度高樓似有情
想得山齋清影裏
亂和蛛網惹柴荆
華今毘陵客思
關半天
吾道已如此
夜長眠不成
雅歌傷白苧
儒術誤青萍
遠漏斷復續
殘燈滅又明
身前身後事
都上十年情

沙丘懷古

憑高懷古重依依
秦駐山頭正落暉
遼鶴信沉徐福去
鮑魚風起祖龍歸
固知倚伏存天道
肯信強梁卽禍機
雲海微茫波浪惡
一雙沙鳥傍船飛

放懷

出入韻

早悟身爲累
終期靜結廬
一閒天不與
半老地猶無
籬菊陶彭澤
畦蔬阮隱居
誰能事拘束
曳尾自泥途

蝶

曾隨秦女踏青陽
幾被鶯捎出建章
芳草夢寒迷

碧色杏花雨細宿紅香粉凝薄翅春無力恨入修
眉晚斷腸寄語莫尋歌舞處五侯門第有高墻

悼似山郭高士

高士之師王頤山乙亥歲浩
歌終隱莫知所之故築亭曰

待鶴

執手東風酒一卮武林曾有贈行詩迢迢夢想江
湖濶杳杳音塵歲月遲待鶴不來空感恨乘風啼
去自堪悲綸巾羽扇松陰下猶記研朱點易時

嘆落花

芳花麗白日脉脉如凝愁朝承清露滋算逐長河

流舍和憶兒時轉眼成白頭欲見西王母披心訴
其絲鶴從九天來聲落江湖秋濁骨如朽鐵安得
從之遊

紛紛

紛紛寵辱暗消磨汶上曾聞嘆逝波利欲根心公
論少是非私已嫉言多神傷涸轍魚相煦眼見權
門雀可羅擬住南山餐白石不須扣角向人歌

讀五代史

五十年間遞吐吞龍爭虎鬪一消魂不如野老深

山塚畱得蒸嘗七世孫

信筆賦雜言招葛元白

湖邊春事空城裏渾未覺幽人嗒然臥強半不離
藥有時自吟哦無事亦斟酌猶異爭馳名利場百
年勝負棊一著寒食清明去已遠可憐局促閒兩
脚君不見成都杜陵老草堂破壞形枯槁典衣沽
酒曲江頭蹇驢蹙躡尋花草青天白日眼不開俗
子紛紛猶絕倒君早來君早來須判幾鞦青芒鞋
好詩好酒消幾許忍使辜負繁花开振衣抖擻康

衢埃莫教鷗鷺相驚猜與君靜看舟中醉客齊撫
掌疾呼大叫舞三臺來不來幾字回

初夏

日下簾櫳午晝時黃庭讀罷篆煙遲虛齋靜極心
無事臥看堦前樹影移

山行書所見

風吹桃李已成塵澗底幽花自晚春野廟蕭條門
半掩樵夫折得獻山神

睡起

紅葵遶砌竹風涼睡起呼童上午香一帶粉墻平
似紙間研水墨畫瀟湘

宿石公房和韻
久憶南山寺春深始一行石靈將瀑冷僧好似詩
清古壁蒲萄画空林杜宇聲喚回湖海夢身世白
鷗輕

王昭君圖

窈窕佳人絕代無一辭漢殿盡嗟吁丹青若恨毛
延壽勾踐何功得破吳

寄友人

識君憐不早况復枉佳篇別去纔逾月思多似隔
年亂田姑熟近平楚洞庭連想得門前柳清陰初
有蟬

題高麗寺因上人房清淨觀

竹屋翠微裏開軒獨望時法身山色見佛眼世音
知琴寫僧傳譜牌懸客寄詩空塵侵不得心與白

雲期

首夏

江南四月雨黃梅日日陰晴變百回又是一年農
事急村村布穀正相催

賦 挽鄒混無

將化之夕夢旌幢引回故里

問道師門髮未彫偶因游學去家遙病深鶴骨無
靈藥夢逐霓旌入古譙寒鴈隔雲書斷絕孤兒扶
橈路蕭條心腸鐵石還悽愴泣把椒漿祖算潮

贈隱者

蕭蕭隱者屋岸蓼入籬門木落涼煙薄魚行秋水
渾居人忘爾汝沙鳥自兒孫却憶前時到梅化開

正繁

入山禽

我家衡門向山開山禽住久不相猜如今移家水
邊住依舊山禽時復來

寄題碧淨軒

萬玉搖空軒亭亭護蒼翠勁色不受染脫畧花柳
氣有時清風生一掃塵土翳客來淡無語盡日坐
相對此是詩中禪莫作心境會

秋夜

眼空夜色秋滿城城樓漏鼓聞四更杓垂月轉萬
山白坐看天河西北傾

知汝幾時到先令獨客聞雨昏低度屋風急亂穿
雲衡岳路猶遠吳江夜正分如何傳素札爲我弔
湘君

卜居
人間無處不風波卜得幽居向薜蘿世事卽今知
夢少詩情從古自哀多高風老木山雄壯小雨枯

荷水蕩摩隨分盤殮了朝暮陸機休賦百年歌

涼意

昨日涼氣吹衣裳牽牛已花青蔓墻百年生事秋
淡薄一湖古意雲飛揚齊齊急艣投煙渡箇箇歸
鴉顧夕陽各盡天公流轉意莫教懷抱謾悲傷

溪橋夜泊

風雨連天鴈過初暫停歸舸傍村墟忽然喚起少
年思竹裏人家夜讀書

送龔聖與之姑蘇別業謁戎使君

每因送別憶前時淮海名流漸漸稀
獨樹草堂工部老蒼苔茅屋廣文歸
三峰有約期終隱五馬推賢莫謾違
若遇天隨憑寄語布袍今擬換荷衣

臥疾

雙肩漸聳髮毛垂不擬秋來病不離
道友相過惟論藥醫人教勸莫吟詩
每違勝事因多懶偶憶兒時益自悲
歷歷百年多少事臥看風裊菊花枝

梅邊會飲寄葛禧巢

癡雲模糊欲釀雪湖上今朝北風正
園林忽覺生

意斷獨有孤根發清迥三花五蕊春已多
况乃落漠被幽徑憶昔何遜在揚州
月觀風臺動詩興後有孤山和靖翁
畱得高名寄香影禧巢愛梅復可憐
每見花開輒吟詠心胸磊落不受俗
一笑樽空晚色靜巡簷動是隔歲期
人事推移苦不定同心之言臭如蘭
趁我鬚眉白未盡但願明年老身健
更待梅花報春信

野宿

野宿投村舍
褰衣度石砭
隣雞喧暮柵
寒蟹上燈

窗戍鼓凌雲擊城鐘入夜撞蕭蕭楓葉下鴈已過
吳江

寶鏡

寶鏡存朗照夜室難爲光幽蘭抱真心不能傲嚴
霜荆玉未出璞豈畏雕琢傷和氏不解事別足徒
罹殃昭昭天上日萬古鑒中腸

橫山道中

村舍喜畱客相逢如故知槿籬垂橘柚溪艇賣鳧
鷖斷港車魚早寒田獲稻遲時清民俗古野老亦

言詩

傷存此山

號性常子

天台山上何年別一住姑蘇僅十春緇衲典錢收
古帖好詩憑客寄閒人悟來靈徹心多懶老去維
摩病漸頻真性常存元不昧隴頭石塔蘚痕新

侯門

侯門心不到幽事每相仍身向中年懶詩多遠客
稱曉煙昏院落寒日上觚稜得句渾忘冷窗前曝
硯冰

野梅

彫盡羣芳一樹奇
傍山傍水最相宜
如何慣守堅貞操
不怕風霜怕笛吹

日暮

日暮登危峰下視江
與湖霏霏暝色動
風聲鼓天衢
山川氣象大雲物
自卷舒邈彼六合中
海月如玄珠列宿轉
天運陰陽旋六虛
芸芸萬生根復歸
混元初靈府一何靜
廓落無所居妙極忽
自哂欲言如有拘下
士昧斯理白首空嗟吁

冬日寫望

久旱湖水落坐看山
日西梅清如客對
鷗冷似兒啼怕酒常
先醉慵吟少著題
游心與天遠無處覓
端倪

寒夜有感

連宵風雨苦催寒
吟對青燈夜向闌
生事恰如蝸負殼
入頭容易轉身難

除夜

竹爆聲殘燈燼垂
坐聽更漏隔年期
喜神宜向迎

須早窮鬼難驅去任遲席上已無消夜果門前惟
寫立春詩老夫記得承平事閒對兒曹說舊時

負外入函谷易轉良機

要肯勉爾苦勤寒今樓青燈夜向闌生事命收歸

東坡詩集

詩集

入山言山日世法清中各樓無令別見

入山言山日世法清中各樓無令別見

霞外詩集卷第二

